

Balinese - Agape Cakepan Sucine - God's Love Letter Scriptures

Johanes 15:9 Patuh buka Ida Sang Aji tresna teken Guru, keto masih Guru tresna teken cening; pagehangja dewek ceninge sajeroning kapitresnan Gurune.

Yesaya 43:1 Ih Israel, Ida Sang Hyang Widi Wasa sane ngardi semeton ngandika asapuniki: “Edaja takut, Ulun lakar ngrahayuang kita. Ulun suba ngesengin kita manut adan kitane, sawireh kita druen Ulun.

Yeremia 1:5 “Ulun suba nyelik kita, satondene Ulun ngreka kita, tur satondene kita lekad, kita suba tetepang Ulun dadi nabin parabangsane.”

Johanes 15:16 Tusingja cening milih Guru, nanging Guru milih cening, tur ngutus cening apang luas tur liu ngwetuang woh, buina woh ceninge apanga tusing uah-uah salawas-lawasnya. Kala ditu apaja ane tunas cening teken Ida Sang Aji, malantaran adan Gurune, Ida bakal nagingin sapingunas ceninge.

3 Johanes 1:2 Duh sawitran tiange, tiang ngastawayang apang cening rahayu sajeroning saluiring paundukan, buina apanga cening seger, buka jiwan ceninge rahayu.

Yesaya 43:4 Ulun lakar mragatang bangsa-bangsane makejang buat ngrahayuang kita. Sawireh kita maji pesan buat Ulun, tur sawireh Ulun asih teken kita tur ngajiang kita.

Yeremia 31:3 Ulun nyinahang raga teken ia uli di tongose ane joh. Ih bangsa Israel, Ulun tansah tresna teken kita. Ento kranane Ulun terus nyinahang sih pasuecan Ulune ane tan papegatan teken kita.

Hosea 11:8 Ih Israel, kenkenang Ulun jani mebasang kita? Kenkenang Ulun lakar ngutang kita? Taenke Ulun nyirnayang kita buka Ulun nyirnayang Adma, wiadin matuhang kita buka Seboim? Pakayunan Ulune tusing maang Ulun nglaksanayang ane buka keto. Tresnan Ulune marep teken kita gede pesan.

Johanes 3:16 Santukan kadi asapunika ageng sih pasuecan Ida Sang Hyang Widi Wasa marep ring jagate, jantos Ida maicayang Putran Idane sane tunggal, mangda asing-asing anak sane pracaya ring Ida, sampunang katiben pati, nanging molih urip langgeng.

Yesaya 49:15,16 Irika Ida Sang Hyang Widi Wasa ngandika ring ipun sapuniki: “Nyidayangke anake luh engsap teken pianak gelahnyane, tur tuara tresna teken pianak ane lekadanga? Yadiastu ada meme

ane engsap teken pianakne, nanging Ulun tusing taen engsap teken kita. 16 Ih Yerusalem, Ulun tusing taen engsap teken kita! Ulun suba nyuratang adan kitane di tlapakan liman Ulune.

Yesaya 41:13 Ulun Sang Hyang Widi Wasa, Widin kitane. Ulun nguatang kita maduluran pangandika kene: ‘Edaja takut. Ulun ane lakar nulungin kita.’ ”

Matius 28:20 Buina urukangja ia nglaksanayang sakancaning ane suba prentahang Guru teken cening. Tur ingetangja, Guru tansah bareng teken cening kanti teked ka pamragat gumine.”

Johanes 14:1 Santukan sungsute sane kagunayang antuk Ida Sang Hyang Widi Wasa punika, ngawinang semeton meseh pepineh tur nuntun semeton ka jeroning karahayuane. Punika awinane tan wenten sane buat kapangenang. Nanging sungsute sane saking jagate iriki, punika sane nyidayang nuntun semeton ka sajeroning pati.

Yesaya 41:14 Ida Sang Hyang Widi Wasa ngandika sapuniki: “Ih Israel, yadiastu kita cenik tur lemet, edaja kita takut. Ulun lakar nulungin kita. Ulun Widin Israele ane suci. Ulun ngraga ane ngrahayuang kita.

Yesaya 43:2 Yen kita majalan ngentasin tukad ane dalem-dalem, Ulun lakar ngingin kita, tur pakewuh kitane tusing lakar ngliput kita. Yen kita majalan nuluh api, kita tusing lakar puun, tur gegodan ane abot tusing lakar kanti nyakin kita.

Kidung 23:1-6 Ida Sang Hyang Widi Wasa dados pangangon titiange. Titiang nenten jaga naenin kakirangan. 2 Ida ngicen titiangularian ring tegale sane padangne lumlum miwah nuntun titiangularian ngungsi ka kalebutan toyane sane tis tur ening. 3 Ida mapaica kakuatan anyar ring titiangularian. Ida nuntun titiangularian ring margine sane patut, sakadi sane sampun janjiang Ida. 4 Duh Ratu Sang Hyang Widi Wasa, yadiastu titiangularian mamargi nglintangan genah sane peteng dedet, titiangularian nenten pacang ajerih, santukan Palungguh IRatu ngingin titiangularian. Teteken miwah gegaman Palungguh IRatu nyayubin titiangularian. 5 Palungguh IRatu nyawisang pangan kinum pabuatan titiangularian, ring genah sane prasida kakantenang antuk meseh-meseh titiangularian sami. Palungguh IRatu nyapa titiangularian waluya sakadi tamiu sane agung, tur ngebekin gelas titiangularian ngantos maliah. 6 Titiangularian uning, mungguing kabecikan miwah sih pasuecan Palungguh IRatu jaga ngingin titiangularian sapanjang urip titiangularian, tur wisman Palungguh IRatune jaga dados padunungan titiangularian sakantun titiangularian urip.

Johanes 14:27 Guru ninggalin cening sutrepti rahayu, sutrepti rahayun Gurune ane baang Guru cening. Sutrepti rahayu ane baang Guru cening ento, tusingja buka sutrepti rahayu ane baanga teken isin jagate. Edaja seksek tur jejeh keneh ceninge.

Pilipi 4:7 Sutrepti rahayu saking Ida Sang Hyang Widi Wasa, sane nglangkungin sakancan pepineh manusane, jaga negdegang pakayunan miwah pepineh semetone, sajeroning patunggilan ring Ida Sang Kristus Yesus.

Pitutur 3:24 Dikalane cening lakar masare, cening tusing lakar jejeh, tur cening lakar pules aris dipetenge ento.

Kidung 4:8 Rikala titiang masare, titiang pules saha sutrepti. Duh Ratu Sang Hyang Widi Wasa, wantah Palungguh IRatu sane ngrahayuang titiang saha sampurna.

Kidung 33:18 Ida Sang Hyang Widi Wasa nyaga jadmane sane astiti bakti ring Ida, inggih punika sakancan jadmane sane suksrah ring sih pasuecan Idane sane nenten rered-rered.

Roma 5:2 Malantaran iraga pracaya, Ida Sang Kristus ngawinang iraga uning tur urip ring sajeroning sih pasuecan Ida Sang Hyang Widi Wasa. Duaning punika, iraga masuka rena sajeroning pangajap-ajap jaga nampi paica kaluihan Ida Sang Hyang Widi Wasa.

Yesaya 55:12 Kita lakar makaad uli Babel maduluran keneh liang. Kita lakar pesu uli kotane ento sajeroning sutrepti. Gunung-gunung muah bukit-bukite lakar masuryak makidung, tur punya-punyaan kayune lakar masuryak kagirangan.

Johanes 16:22 Patuh buka keto masih paundukan ceninge: Ane jani cening sedih, nanging Guru lakar teka buin nelokin cening, ditu cening bakal masuka-sukaan tur kasukan ceninge ento tusing sida bakal juang anak.

Lukas 12:9 Nanging nyenza ane tuara ngangken dadi sisian Gurune di arepan manusane, ia lakar masih tusing kangkenin baan Sang Putraning Manusa Utusan Ida Sang Hyang Widi Wasa, di ajeng paramalaekat Ida Sang Hyang Widi Wasa.

Matius 10:30 Liun bok ceninge ane ada di sirah ceninge masih suba wilangin Ida.

Yesaya 54:10 Gunung-gunung muah bukit-bukite bisa benyah, nanging sih pasuecan Ulune teken kita tusing bisa pegat. Ulun lakar ngamanggehang janji dame Ulune salawas-lawasne.” Kadi asapunika pangandikan Ida Sang Hyang Widi Wasa sane nyuecanin

ragane.

Matius 11:28-30 *Ih anak ane kenyel ulihan negen tetegenan baat, maija sig Tiange, Tiang lakar maang parerenan teken ragane. 29 Tegenja tetegenane ane baang Tiang tur mlajahja teken Tiang. Krana Tiang ene andap asor tur darma sadu, tur ragane lakar muponin sutrepti. 30 Sawireh tetegenan ane lakar baang Tiang aluh tur ingan."*

Kidung Geguritan 2:10 *Pepacangan tiange tumuli mabaos ring tiang.*

Mrikija adi, mas juitan beline, mrikija sig beline.

Hosea 2:14,19,20 *Sawireh keto Ulun lakar ngaba buin ia ka tegal melakange. Ditu Ulun lakar nglelunyuhin ia laut ngalap kenehne. 19 Ih Israel, Ulun lakar nadiang kita kurenan Ulune. Ulun lakar tuon tur satia. Ulun lakar nyinahang sih pasuecan muah kapitresnan ane tan papegatan, tur nadiang kita druen Ulune salawas-lawasne. 20 Ulun lakar ngamanggehang prajanjian Ulune tur nadiang kita druen Ulun, tur kita lakar ngangkenin Ulun dadi Widin kitane.*

Pararudan 3:14 *Pangandikan Ida Sang Hyang Widi Wasa ring Dane Musa:* "Ulun ene ane jumeneng langgeng. Orahang teken ia mungguing Ida ane jumeneng langgeng ane ngutus kita nekain ia."

Hosea 13:4 *Ida Sang Hyang Widi Wasa ngandika asapuniki:* "Ulun ene Sang Hyang Widi Wasa, Widin kitane, ane nantan kita pesu uli Mesir. Kita tusing ngelah Widi sajawining Ulun. Tuah Ulun ngraga ane dadi juru rahayun kitane.

Johanes 15:14 *Cening makejang dadi sawitran Gurune, yening cening nglaksanayang sapituduh Gurune.*

Wahyu 3:20 *Padingehangja! Ulun majujuk di arepan korine sambilang Ulun nogdog kori; yening ada anak ane ningeh munyin Ulune tur ada anak ngampakin Ulun kori, Ulun bakal macelep ka umah anake ento, tur Ulun bakal madaar bareng-bareng ajak ia muah ia ajak Ulun.*

**Pastor T. John Franklin
Church of Salvation, Healing, and Deliverance
COS-HAD.org**